

Universitätsbibliothek Paderborn

Ioannis S. R. E. Cardinalis Bona Opera Omnia

Tribus Tomis comprehensa

Opvscvla Spiritvalia - I. Horologium Asceticum. II. Principia Vitae
Christianae. III. Manuductio ad Coelum. IV. Via Compendii ad Deum. V. De
Sacrificio Missae. VI. De Discretione Spirituum ... Operum Eminentiss.
Cardinalis, Tom. I

Bona, Giovanni

Parisiis, 1677

§. 10. De Oratione Dominica usque ad Communionem

urn:nbn:de:hbz:466:1-9969

in eorum consortium admitti, optando eximiam vitæ sanctitatem pro majori Dei gloria in Christo Jesu Domino nostro. Per quem, ais consequenter, *hec omnia, Domine, semper bona*, panem scilicet & vinum, *creas*, quia per ipsum omnia facta sunt: *sanctificas* cum in prima oblatione sacrificio sunt destinata: *vivificas* mediante transubstantiatione: *benedicis*, quia per hæc sacramenta copiosam acquirimus gratiam; & *præstas nobis* in cibum & redemptionem. Porid hæc verba valde ferventer pronunciabis, itemque sequentia, quia per Christum, cum Christo, & in Christo est *Deo Patri omnipotenti omnis honor & gloria*. Hic autem gratulari poteris toti sanctissime Trinitati gloriam quam habet per Christum: & dum tenes hostiam super calicem offeres SS. Eucharistiam, quam sub utraque specie in manibus habes, in laudem & gloriam Dei, pro omnibus beneficiis, in expiationem culparum, & pro omnium bonorum imperratione.

s. X. *De Oratione Dominica usque ad Communionem.*

Absoluto Canone jam te ad communionem præparare debes facto initio ab oratione Dominica, quam cum tremore, & filiali erga Deum affectu recitabis, oculis in sacramentum intentis, quia Christus simul cum Patre preces tuas audit & exaudit. Septem sunt ejus petitiones, in quibus summatim continentur res omnes à Deo petendæ, & pro quarum impetratōne hoc sacrificium offertur. In prima petitione desiderium excitabis eximiæ tuæ & aliorum sanctitatis, ut gloria Dei augeatur, ut ab omnibus ametur & timeatur, ejusque sanctitas, bonitas, sapientia ubique innotescat. In secunda optabis D̄eum in tua, & cæterorum voluntate regnare, simulque petes ad regnum illius feliciter pervenire. In tertia rogabis, ut omnes homines sic Deo serviant & obedient in terris, sicut ei ab Angelis servitur in cælis, nunquam peccando, & quæ illi grata sunt semper ferventissimè faciendo. In quarta omnia necessaria pro vietu, vestitu, cæterisque

temporalibus postulabis. In quinta, implorata Dei liberalitate pro alimentis, ejusdem clementiam pro remissione peccatorum deprecaberis, elicto actu contritionis, & sincera dilectionis omnium inimicorum, & aliorum, qui tibi causa fuerunt alicujus molestiae, pure illos amando propter Deum. In sexta diffidens de propriis viribus, & timens malitiam & inconstantiam tuam, petes a Deo, ut te præservet a temptationibus, ne forte iras eas inductus ab ejus gratia & amicitia excidas. In septima a malis culpe & pœnæ liberari precerberis, atque ab omnibus adversitatibus, quas diabolus & mundus contra te moliuntur.

Hec postrema petitio fusius explicatur in sequenti oratione, *Libera nos quæsumus Domine*, in qua mala enumerantur, a quibus postulas liberari, præterita scilicet, praesentia, & futura. Mala autem præterita sunt peccata, de quibus scriptum est, *Fili peccasti: ne adjicias iterum, sed de præteritis deprecare ut tibi dimittantur*. Presentia sunt quotidiana peccata, & aliæ calamitates. Futura sunt tentationes, & aliæ imminentes miseriae, que sine speciali Dei adjutorio evitari non possunt. Ad hec impetranda opem flagitas B. Virginis, Sanctorumque Apostolorum Petri, Pauli, & Andreæ & omnium Sanctorum: & signans te signo crucis pacem petis, quam Christus nobis sua passione promeruit.

Sequitur fractio hostie in tres partes, quatum unam dum calici immittis, intimam cum Deo unionem postulabis. Pacem populo annuncians triplicem cunctis pacem desiderabis: pacem scilicet uniuscujusque cum Deo, quæ in ejus gratia & amicitia consistit: pacem cum seipso, quæ in concordia appetitus cum recta ratione sita est, ut quod ista dicit, ille exequatur: pacem cum proximo suo, ut nemo alteri præbeat offensæ occasionem, sed omnes potius Christianæ charitatis officiis sibi devincent.

Ad primum *Agnus Dei*, elicto actu fidei erga Christum ibi præsentem, qui est verè Agnus Dei pro nobis.

cruce immolatus, liberari & præservari petes ab omnibus miseriis spiritualibus, quales sunt habitus pravi, tepidas in obsequio Dei, inconstantia in bene cœptis. Ad secundum liberari item & præservari petes à miseriis temporalibus, à peste, fame, bello, morbis & persecutib; quatenus à servitio & cultu pacifico Dei nos impediunt. Ad tertium pacem postulabis, quam parit bona conscientia, dominium sui, omniumque rerum creatarum contemptus.

§. XI. De Communione.

Rectè Psalmographus de Domino loquens dixit, *Et factus est in pace locus ejus: & Apostolus etiam ait, Pacem habete, & Deus pacis & dilectionis erit vobiscum.* Non ergò mirari debes, si sæpius repetita imploratione docet Ecclesia proximè ante communionem pacem à Deo petere, quæ & omnia bona in se complectitur, & dignum Altissimo præparat habitaculum. Hanc petititionem continet prima ex tribus orationibus, quæ communioni præmittuntur; post quam in secunda remissionem postulas peccatorum, & donum perseverantiae. Tertia verò timorem in te excitat ne panis vitæ & potus æternæ salutis proveniat tibi in judicium & condemnationem: sed mox fiduciam concipies sperans ut meritis Christi *tibi pro fit ad tutamentum mentis & corporis, & ad medellam percipiendam.* Tum genuflexus Deum adorabis ardentissimum concipiens desiderium ipsum in sacramento suscipiendo, cum versiculum illum profers *Panem cælestem accipiam & nomen Domini invocabo.*

Cum dicis, *Domine non sum dignus*, confitere indignatatem tuam, sed simul agnosce Dei omnipotentiam & misericordiam sequentibus verbis, *sed tantum dic verbo & sanabitur anima mea.* Te autem indignum fateberis, primò propter peccata tua, secundò ob vilitatem naturæ tuę, tertio quia ex te nihil es, nihil habes, nihil potes.